



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ezechielis Spanhemii Dissertationes De Praestantia Et
Usu Numismatum Antiquorum**

Spanheim, Ezechiel

Amstelodami, 1671

II. Ad Seriem & Historiam Augustarum. De appellatione Augustae,
Consularis, Caesarissae; ac honoribus Mulierum apud Romanos.

urn:nbn:de:hbz:466:1-12878

ptus D.N. GLYCERIUS P.F. AUG. Unde liquet hunc Anthemii temporibus, non Cæsarem solum, ut eum vocat Marcellinus Comes, sed Augustum etiam renuntiatum, quem è Cæsare factum postea Episcopum, & mox à Nepote occisum tradit: Alter itidem aureus penes illustrissimum Colbertum, cum inscr. D.N. THEODEBERTUS VICTOR, & in aversa parte Victoria & litteræ VICTORIA AUGGG.

AUGUSTARUM vero seriem luculentam iisdem nummis acceptam ferimus, & earum quidem, quarum tenuis aut nulla etiam mentio in priscis veterum monumentis. In illis certe videoas Cæfarum Uxores, Matres, Avias, Sorores, Filias, Neptes; neque solum eaurundem imagines, sed nomina insuper, dignitates, & supremi fastigii vel insignia vel appellationes. Neque mirum honorem illum habitum Feminis Cæfarum fanguine aut adfinitate conspicuis, quum aliis matronis apud Romanos Senatoria & Consularia quoque ornamenta legamus nonnunquam concessa. Eximius hanc in rem Lampridii locus in Elagabalo, *suumquam aliquam matrona Consularis conjugii ornamenti eset decorata.* Nec facile quisquam mirabitur ea atate, qua libertis aliisque fortis vilioris Prætoria aut Consularia ornamenta frequenter decreta legimus, iisdem quoque nobiliores aut gratiosas Matronas insignitas. Ita mentio carum mulierum occurrit apud Ulpianum, quæ Senatoriis ornamentiis decorabantur; *Speciosas personas accipere debemus clarissimas personas utriusque sexus;* item earum quæ ornamentiis Senatoriis utuntur. Unde ille Lampridii locus, qui magno Casaubono unicus videbatur index hujus moris, & ipse vicissim Ulpianus non parum illustrantur. Exemplum quoque illius præbet sub Elagabali Principatu mater Hieroclis, feedissimi cuiusdam man-

L. 106. D.
de verb.
fign.

mancipii, quam Dio refert in Excerptis Valeſianis, ^{Pig. 766.}
 militari ſatellitio in urbem deductam, inter Consularium matronas habitam fuſſe: hoc nempe, quod aiebat Lampridius, *Consularis conjugii ornamentiſ decoratam*.
 Quo ſpectare præterea obſervo, quod tradit Procopius ^{Arcan.}
 de Theodora vilissimo antea ſcorto, eam ante nuptias ^{Hift. c. ix.}
 à Justiniano evectam ad dignitatē Patriſtatiſ, *et nō
 ἐπαργεῖν τὸν ἀζεύοντα*. Hinc *maritalia* etiam matronarum
 decoramenta apud Tertullianum: *Aut quid minus habere* ^{L. 11. de}
infelicissima illa publicarum libidinum vicitma, quas si qua ^{Cultu Fe-}
leges à maritalibus & matronalibus decoramentiſ coercabant. ^{min.}
 Alias Consularium Feminarum mentio non ſemel in
 libris Juris Civilis, quas *Consularium uxores* explicat ipſe
 Ulpianus, qui & *consularis* earum dignitatis alibi me-
 minit. Notat enim nuptias prius consulari viro, poſtea <sup>L. 1. D.
 de Senat.</sup>
 ad inferiores nuptias devolutas, impetratſe rariſlime,
 ut in *Consulari maneat dignitate, ut ſcio Antoninum Au-* <sup>L. 12. D.
 gustum Julie Mammæ Confobrina ſue indulſiffe</sup>. Haud
 diſſimile exemplum in Lucilla obſervat Herodianus, ^{Lib. 1.}
 quæ cum L. Viri, Marci in imperio Collegæ, poſtea pri-
 vati Pomponiani conjuṇx evaſiſſet, Sellam tamen Im-
 peratoriam, aliosque priores honores Auguſtæ, Com-
 modi indulgentia retinuit. Unde quoque eadem mor-
 tua inſtar Auguſtæ conſecrata, ut ex ejus nummiſ ad-
 huc liquet, cum Diuſe appellatione. Ut equidem
 minus jam mirum videatur, tot illuſtres Matronas in-
 tueri decoratas ornamentis Auguſti conjugii, aliasve
 feminas iſdem Cæſaribus proxima neceſſitudine con-
 junctas, eademque ornamentiſ cum illarum effigie in
 Numiſ adhuc hodie conſignata; Puta nempe Sacer-
 dotium, Carpenta, Conſecrationes, Dearum epitheta,
 MATRIS item aut ORBIS GENITRICIS,
 MATRIS CASTRORUM aut SENATUS appellatio-

lationes, AUGUSTÆ denique cognomen. De hac vero AUGUSTÆ appellatione familiari in earum Nummis, aut adnexis eidem privilegiis, illustris it-

L. 11. D. de Legib.
Nov. cv.

lrum apud Ulpianum locus; *Princeps legibus solutus*, AUGUSTA autem licet legibus soluta non est, tamen eadem illi privilegia tribuunt, quæ ipsi habent. Ratio nempe obvia, quod uxores radiis coruscant maritorum, ut loquitur Justinianus, aut ex Constitutione Valentiniani & Collegarum, quæ legitur in Codice Theodosiano, quia *Mulieres honore maritorum eriguntur*. Id vero singulari privilegio factum videoas in iisdem Nummis, ut non tantum uxores Augustorum, sed Matres quoque eorundem vel Aviæ, AUGUSTÆ itidem sint appellatae, licet alias nunquam Augusti conjugii consortes. Talis aut ANTONIA Caii Cæsaris Avia, aut AGRIPPINA majore ejusdem mater, aut tres JULIAE, MÆSA, SOEMIAS, & MAMMÆA, illa Avia, hæc Matres Elagabali & Alexandri; quomodo & HELENAM matrem à filio Constantino AUGUSTAM demum dictam tradit in ejus vita Eusebius, & arguunt superstites ejusdem Nummi. Accedunt eodem Filiae, ut JULIA Titi, DIDIA CLARA Didii Juliani, & CONSTANTINA Magni Constantini, AUGUSTÆ in eorundem nummis dictæ, haud aliter ac Neronis recens nata è Poppæa Filia, auctore Tacito. Insignes quandoque eodem honore Sorores Augustorum, ut MARCIANA, & ejusquoque filia MATIDA; quibus itidem non Augusta conjugia, sed illa cum Trajanus cognatio AUGUSTÆ nomen, ac Nummos cum eodem signatos conciliarunt. Hæc vero præter morem Romanorum & exemplum, qui Consularium Matres

L. 1. §. 1. D. de Senat.
Consulares dictas negantem novi Ulpianum, Consulares autem feminas dicimus Consularium uxores, adjecit Saturninus.

1845.

nus etiam Matres, quod nec usquam relatum est, nec unquam receptum. Unde alibi quoque Justinianus, solum Uxorem Consulis ad honores admittit Consulares, non autem illius Matrem, nisi eadem antea fuerit Consularis, aut jubente eodem Consule; Sorores vero, Nurus, aliasque necessitudines diserte excludit; *Mater vero si Nov. c.v.*
Consul hic voluerit; nam neque Filia, neque Soror forte, neque Uxor filii, & multo magis si nec pertinens ad genus sit, hoc enim pure illicitum existebat. Hinc etiam solæ dictæ ex feminis *Clarissima*, quæ nuptæ erant Senatoribus seu Clarissimis personis, non autem Clarissimorum filiæ, maxime si plebeii jungerentur, ut alibi docet idem Ulpianus. Indulgentiores itaque Cæsares in Adfines aut conjunctas, quibus præter Uxores, illud A U G U S T Æ cognomen, adnexaque eidem privilegia non semel detulerunt, & publicis etiam Nummorum monumentis tradi ad posterorum memoriam voluere. Alias *Augustarum, Consularium, aut Clarissimarum* seminarum exemplo, quibus defumptæ ab honore conjugum appellationes, *Ciropalatissæ etiam dictæ sequiori ævo Ciropalatarum uxores, qualis Anna Comnenorum Mater* vocatur apud Nicephorum Bryennium. Qua ætate L.11. cap.1. etiam contigit, ut *Cæsarisse* dictæ sint Augustorum filiæ, exemplo filiorum, qui pridem illam Cæsarum appellationem erant fortiti, ut liquet ex Niceta aliisque scriptoribus Historiæ Byzantinæ. Immo nec illud prætereundum ex more superiorum temporum, quibus percussi vulgo Augustarum nummi, quod illa vel cognomina vel ornamenta non continuo tamen tributa sint mulieribus, quæ admissæ videbantur in consortium principalis fastigii. Neque enim A U G U S T Æ vel omnes vel solæ Augustorum conjuges aut Matres, ut modo videbamus; sed quæ Cæsarum arbitrio & ca-

L. 8. D.
de Senat.

Gggg 3 ritate

ritate ac decreto Senatus hac appellatione ornabantur. Adeo ut aliquot ex iisdem legamus illis ornamentis caruisse dum de moderandis potius, quam ampliandis illarum honoribus, Tiberium, Pertinacem, Claudiū etiam, uxorum licet mancipium sollicitos accepimus. Ita AUGUSTÆ appellationem à Senatu delatam, Trajani Conjugem ac Sororem aliquandiu deprecatas docet Plinius in Panegyrico; in quam tamen annente Cæfare easdem consensisse satis arguunt obvii adhuc illarum Nummi. Hæc enim omnia non aliunde certius hodie aut uberior, quam in residuis Nummorum monumentis legas, quibus pars illa HISTORIÆ AUGUSTÆ unice quasi & luculenter potest illustrari.

Neque refero tamen in hunc censum omnes illas vel Conjuges vel conjunctas priorum Cæsarum, MARTIAS, AURELIAS, COSSUTIAS, SCRIBONIAS, LEPIDAS, ARRICIDIAS, aliasque id genus ab Ænea Vico inter Augustas in serie XII Cæsarum depictas. Has quippe à prioribus curis Andreæ Fulvii aliorumque acceptas fatetur ipse se necdum in Nummis reperisse. Neque enim aut Julii Cæsaris nondum firmata dominatio; aut Tiberii cum uxoribus ante principatum divortia; aut Caii in forores amor; aut Galbae ac Othonis in principatu cælibatus; aut Vitelli breve imperium passa sunt Uxorū vultus nummis consignari. Immo ne LIVIAM quidem, nisi ab excessu Augusti, in Romanis nummis depictam reperies,

Tacit. An-
dal. I. 8.

qui illam mortuo conjuge ex Testamento Augusti, in Familiam JULIAM nomenque AUGUSTÆ adsumptam, sub ejusdem JULIAE AUGUSTÆ nomine representant. Evidem mutationes nominum apud Romanos ex Testamento fieri solitas cum satis arguunt libri Juris Civilis, tum Dolabellæ apud Tullium exemplum, qui alte-